

Napparsimasut inatsisitigut inissisimanerat pillugu Inatsisartut peqqussutaat nr. 6, 31. maj 2001-imeersoq

Kalaallit Nunaanni Peqqinnissamik Isumaginnittooqarfik pillugu inatsimmi nr. 369-imi, 6. juni 1991-imeersumi § 1 aamma § 3 naapertorlugit aalajangersarneqarpoq:

Kapitali 1.

Siunertaa, atuuffia, nassuaatit il.il.

§ 1. Inatsisartut peqqussutaatnapparsimasut ataqqinassusaasa, innimigisassaanerisa namminnerlu aalajangiisinjaassuseqarnerisa ataqqineqarnissaannut qulakkeerinneqataassaaq. Peqqussut aammattaaq napparsimasup peqqissaanermillu suliaqartup akornanni tatigeqatigiinnissamut qulakkeerinneqataassaaq.

§ 2. Peqqussut napparsimasunut peqqinnissaqarfip iluani allaniluunniit peqqinnissakkut sullissiviusuni peqqissaanermik suliaqartunit katsorsartittussanut katsorsartereersimasunulluunniit atuuppoq, inatsisitigut allamik immikkut ittumik aalajangersaasoqarsimatinnagu.

§ 3. Katsorsartinneq peqqussummi matumani tassaavoq misissortinneq, nappaamik suussusersiuineq, nappaamik katsorsaaneq, sungiusarneqaqqinnej, peqqinnissaqarfimmi suliaqartunit paaqqutarineqarneq aamma napparsimasut ataasiakkaat peqqinnissaqarfimmi suliaqartunit pinaveersaartitsinermik suliniuteqarfigineqarneri il.il.

§ 4. Peqqinnissaqarfimmi sulisut peqqussummi matumani tassaapput sulisut immikkut inatsisiliorneq naapertorlugu peqqinnissaqarfimmi suliassanik isumaginnissinnaasutut akuerineqartut, aammalu sulisut akisussaasut taakkua sinnerlugit iliuuseqarsinnaasut. Peqqinnissaqarfimmi sulisut tassaapput sulisut malittarisassat immikkut ittut naapertorlugin peqqinnissaqarfip iluani namminersorlutik suliassanik isumaginnissinnaasut.

§ 5. Napparsimasoq nammineerluni soqtigisaminik isumaginnissinnaanngippat, inuk imaluunniit inuit inatsisit malillugit tamatumunnga piginnaatinneqartoq piginnaatinneqartulluunniit, peqqussut malillugu napparsimasup pisinnaatitaaffiinut, tamanna napparsimasup soqtigisaanut pisariaqartinneqarpat, napparsimasoq sinnerlugu isumaginnissapput.

Kapitali 2.

Nammineerluni aalajangiisinjaaneq

Paasissutissinneqareernikkut isumaqataalluni akuersineq

§ 6. Katsorsartinneq aallartinneqassanngilaq ingerlateqqinnejqaraniluunniit napparsimasoq

paasissutissinneqareernermigut isumaqataalluni akuersiteeqqaartinnagu, tamanna inatsisini imaluunniit §§ 8-10-mi immikkut aalajangersaavagineqarsimanngippat.

Imm. 2. Napparsimasup imm. 1 malillugu isumaqataalluni akuersinini sukkulluunniit atorunnaarsissinnaavaa.

Imm. 3. Paasissutissinneqareernikkut isumaqataalluni akuersineq peqqussummi matumani tassaavoq peqqissaanermik suliaqartup tungaaniit paasissutissinneqareerneq sukumiisoq tunngavigalugu akuersineq, tak. § 7.

Imm. 4. Kapitali manna malillugu paasissutissinneqareernikkut isumaqataalluni akuersineq pisinnaavoq allakkatigut, oqaasiinnakkut imaluunniit pissutsit apeqquataillugit oqanngikkaluarluni akuersineq.

Imm. 5. Naalakkersuisut akuersinerup ilusissaa imassaalu pillugit erseqqinnerusunik malittarisassat aalajangersarsinnaavaat.

§ 7. Napparsimasoq peqqissutsi pillugu aammalu katsorsartinnissamut periarfissaasinnaasut pillugit paasissutissinneqarnissaminut pisinnaatitaavoq, tamatumani nappaatip ilakutaatut kingunerluutigissinnaasaatullu ulorianarsinnaasut ilanngullugit.

Imm. 2. Napparsimasoq imm. 1 malillugu paasissutissinneqannginnissaminut qinnuteqarnissamut pisinnaatitaavoq.

Imm. 3. Paasissutissiineq ingerlaavartumik pisassaaq aammalu nappaat, misissortinneq katsorsaanissamullu iliuusissatut eqqarsaatigineqartoq paassiuminartumik saqqummiunneqassapput. Paasissutissiineq qajassuussisumik pisassaaq aammalu paasissutissinneqartussap inuttut tunngavigisaanut qanoq ukioqassusia mianeralugu, inerisimassusianut, misilittagaanut il.il. naleqqussagaassalluni.

Imm. 4. Paasissutissiinermut ilaassapput paasissutissat pinaveersaartitsinermut, katsorsartinnissamut paaqqutarineqarnissamullu periarfissanut attuumassuteqartut, tamatumani ilanngullugit nakorsanit illersorneqarsinnaasumik katsorsartissinnaanermut periarfissanik paasissutissat allat kiisalu katsorsartinnissaq aallartinneqanngippat kingunissai pillugit paasissutissat. Paasissutissiineq annertunerusassaaq katsorsartinnissaq nappaatip ilakutaanik kingunerluutissaanillu imaannaannngitsunik nassataqarsinnaanera ulorianaaateqarsinnaagaangat.

Imm. 5. Ilimageqarpat napparsimasoq pissutsinik napparsimasup isummernissaanut pingaaruteqartunik ilisimasaqanngitsoq, tak. § 6, peqqissaanermik suliaqartoq tamanna pillugu immikkut paasissutissiisaaq, napparsimasoq paasissutissinneqannginnissaminik kissaateqarsimanngippat, tak. imm. 2.

Imm. 6. Naalakkersuisut paasissutissiinermut ilusissaa imassaalu pillugit erseqqinnerusunik malittarisassat aalajangersarsinnaavaat.

Inersimasuunngitsut

§ 8. Napparsimasoq 15-inik ukioqalereersoq katsorsarneqarnissaminut paasissutissinneqareernermigut isumaqataalluni akuersisinnaavoq. Angajoqqaatut oqartussaassusilik aammattaaq paasissutissinneqassaaq, tak. § 7, aamma inersimasuunngitsup isummernerani peqataatinneqassaaq.

Imm. 2. Peqqissaanermik suliaqartup ataasiakkaat pillugit naliliinera naapertorlugu naatsorsuutiguniuk napparsimasup 15-inik ukioqalereersup isummernermi kingunissai

paasisinnaanngikkai, angajoqqaatut oqartussaassuseqartoq paassisutissinneqareernikkut
akuersisinnavaoq.

Imm. 3. Napparsimasoq 15-inik ukioqalereersoq kapitali 4-mi aalajangersakkat malillugit suliamut
allattukkanik paasiniaasinjaatitaavoq aammalu kapitali 5-imi aalajangersakkat malillugit
peqqissutsimut paassisutissat assigisaasalu ingerlateqqinnejarnissaannut isumaqataalluni
akuersissuteqarsinnaalluni.

*Napparsimasut, paassisutissinneqareernikkut akuersinissaminnut ataavartumik
piginnaassuseqanngitsut*

§ 9. Napparsimasup paassisutissinneqareernikkut akuersinissaminut ataavartumik
piginnaassuseqanngitsup qanignerpaasai katsorsartinnissaanut paassisutissinneqareernikkut
isumaqataallutik akuersisinnavaapput. Napparsimasorli inuttut nammineersinnaasusiagaasimappat
angajoqqaatut sinniisuuusoq paassisutissinneqareernikkut isumaqataalluni akuersisinnavaoq.

Imm. 2. Napparsimasoq paassisutissinneqareernikkut akuersinissaminut ataavartumik
piginnaassuseqanngippat qanignerpaasaqarani imaluunniit angajoqqaatut sinniisuumik peqarani,
peqqissaanermik suliaqartup katsorsaanissamut pilersaarutigineqartutut eqqarsaatigineqartoq
ingerlassinnaavaa, peqqinnissaqarfimmi sulisoq alla, suliassaqarfimmi suliamut paasisimasalik aammalu
napparsimasup pineqartup katsorsarneqarnerani siornatigut peqataasimanngitsoq
peqataasussaanngitsorlu, tamatumunnga isumaqataappat.

Imm. 3. Imm. 2-mi pineqartumik pisoqarpat peqqissaanermik suliaqartup peqqissaanermik suliaqartoq
alla peqataatinngikkaluarlugu katsorsartinnissamut pilersaarut eqqarsaatigineqartoq ingerlassinnaavaa,
katsorsartinnissap qanoq annertutigissusia qanorlu sivisutiginera eqqarsaatigalugit tamanna
annikittuinnaappaat.

Imm. 4. Peqqissaanermik suliaqartoq isumaqaruni qanignerpaasanit imaluunniit angajoqqaatut
sinniisumit, tak. imm. 1, isumaqataalluni akuersineq imatut aqunneqartoq, napparsimasumut
katsorsartinnerulluunniit naammassineqarnissaanut malunnartumik ajoquatasinnaasoq,
peqqissaanermik suliaqartup katsorsaaneq naammassillugu ingerlassinnaavaa Peqqinnissaqarfimmik
Nakkutilliisoqarfik tamatumunnga isumaqataappat.

Erniinnaartumik katsorsarneqarnissamik pisariaqartitsineq

§ 10. Napparsimasoq paassisutissinneqareernikkut isumaqataalluni akuersinissaminut piffissap ilaanni
piginnaassuseqanngikkallartoq imaluunniit ataavartumik piginnaassuseqanngitsoq imaluunniit suli 15-it
inorlugit ukioqartoq, pissutsinik imaattunik atugaqarluni, erniinnaartumik katsorsarneqarnissa
pisariaqarluni, napparsimasoq uumaannassappat imaluunniit siunissaq ungasissoq isigalugu
napparsimasup uumaannarnissaanut periarfissap pitsangortikkumallugit imaluunniit
katsorsartinnerup naammassinerani angusat annertuumik pitsangorgiaateqassasut,
peqqinnissaqarfimmi sulisup katsorsaaneq aallaartissinnaavaa imaluunniit ingerlateqqissinnaavaa
napparsimasoq imaluunniit angajoqqaatut oqartussaassuseqartoq, ilaquattat qanignerusat imaluunniit
angajoqqaatut sinniisoq akuersitinnngikkaluarluginit.

Napparsimasup peqataatinneqarnissaa

§ 11. Napparsimasoq nammineerluni paasissutissinneqareernikkut akuersisinnaanngitsoq, paasissutissinneqassaaq katsorsartinnissallu oqaluuserineqarnerani peqataatinneqassalluni ima annertutigisumik, katsorsartinnissaq napparsimasup paasillugu, tamanna napparsimasumut ajoqutaassanngippat. Napparsimasup nalunaarutai, massakkut pisumut aamma suliamut tunngassuteqarlutik, pingartinneqassapput.

Peqqissaanermik suliaqartup akisussaaffii il.il.

§ 12. Peqqissaanermik suliaqartoq katsorsartinnermut akisussaasuusoq pisussaavoq isumagissallugit 1) §§ 6-8 aammalu § 9, imm. 1 malillugit paasissutissinneqareernikkut isumaqataalluni akuersineq pissarsiarissallugu
2) § 9, imm. 2 malillugu peqqissaanermik suliaqartup allap isumaqataanera pigineqartoq
3) § 9, imm. 4 malillugu Peqqinnissaqarfimmik Nakkutilliisoqarfiup isumaqataanera pigineqartoq, aamma
4) § 11 malillugu napparsimasoq paasissutissinneqassasoq aamma peqataatinneqasasoq katsorsaanissap oqaluuserineqarnerani.

Kapitali 3.

Immikkut ittunik pisoqartillugu nammineerluni aalajangersinnaaneq

§ 13. Kapitalimi matumani §§ 6-imi aamma 7-imi paasissutissinneqareernikkut isumaqataalluni akuersinermut tunngasut, § 8 ukiukitsunut tunngasoq, § 11-imi napparsimasup peqataatinneqarnissaanut tunngasoq kiisalu § 12-imi peqqissaanermik suliaqartup akisussaaneranut tunngasoq, aalajangersakkat atorneqarsinnaapput. Taamaattorli § 8 ukiukitsunut tunngasoq § 17-imi kingornussarsiassiisarnermut tunngasumut atorneqarsinnaanngilaq.

Iisinaveersaardeq

§ 14. Napparsimasoq qularutissaanngitsumik iisinaveersarluni aallartippat, aamma iisinaveersarnerup peqqissutsikkut kingunerisinjaasaanik paasissutissinneqarpat, peqqissaanermik suliaqartup taamaaliorneq kipitissinjaanngilaq.

Aalersortinnissamut itigartitsineq

§ 15. Katsorsartinneq, aalersortinnermik imaluunniit aak aallaavigalugu tunisassianik pilersorneqarnermik nassataqartoq, aallartinneqassanngilaq imaluunniit nangeqqinnejassanngilaq napparsimasoq paasissutissinneqareernikkut isumaqataalluni akuersiteeqqaartinnagu.

Imm. 2. Napparsimasup aalersortinnissaminut imaluunniit aak aallaavigalugu tunisassianik pilersorneqarnissamik itigartitsinera nalunaarutigineqassaaq, nappaamut atukkamut atatillugu aammalu peqqissaanermik suliaqartup katsorsartinnermi aalersortinnginnissap imaluunniit aak aallaavigalugu tunisassianik pilersorneqannginnissap peqqissutsimut kingunerlussinnaanerannik paassisutissiineranik tunngaveqartumik.

Imm. 3. Katsorsartinnissaq peqqissaanermik suliaqartupileqqorissaarnissaq pillugu eqqarsartaatsikkut isiginninneranut akerliuppat, katsorsaaneq aak imaluunniit aak aallaavigalugu tunisassianik pilersuineq atornagit ingerlanneqassalluni, sulisoq pineqartoq tamatumunnga pisussaatitaanngilaq, napparsimasorlu peqqissaanermik suliaqartumut allamut innersunneqassaaq, nakorsartinnissamik nukinginnavissumik pisariaqartisisoqanngippat, tak. § 7, imm. 1, Kalaallit Nunaanni nakorsat suliassaannik ingerlassineq pillugu peqqussummi nr. 860-imi 18. december 1991-imeersup atulersinneqarnera.

Allaqquttussaanngitsumik toqujartortut katsorsarneqartarnerat

§ 16. Napparsimasup allaqquttussaanngitsumik toqujartortup katsorsartinnissaq taamaallaat toqunissamik kinguartitsisinnaasoq itigartissinnaavaa.

Imm. 2. Napparsimasoq allaqquttussaanngitsumik toqujartortoq nammineerluni aalajangiisinnajunnaarsimappat, peqqissaanermik suliaqartup katsorsartinneq inuunermik sivitsorsaataasoq aallartinngitsoorluguluunniit nangeqqinngitsoorsinnaavaa, tak. § 17, imm. 3.

Imm. 3. Napparsimasup allaqquttussaanngitsumik toqujartortup anniarunnaarsaatit, eqqissisaatit nipaallisaatilluunniit pisinnaavai, napparsimasup qanoq atugaqarneranut pisariaqartut, naak tamakkua toqunissap pilertornerunissaanik kinguneqarsinnaagaluartut.

Inuunermi naggammik piumasaq

§ 17. Kinaluunniit 18-inik ukioqalereersimasoq aammalu inuttut nammineersinnaajunnaarsitaasimanngitsoq qanoq pineqarnissaq pillugu inuunermi naggammik piumasaqaammik allakkiorsinnaavoq. Pineqartup inuunermi kingullermik piumasaqaammini katsorsarneqarnissani pillugit kissaatigisani allattorsinnaavai, pineqartoq imatut atugaqartariaqartussanngorsimalluni, nammineerluni aalajangiisinnasuseqarneq napparsimasumit namminermit isumagineqarsinnaajunnaarluni.

Imm. 2. Inuunermi naggammik piumasami makkua pillugit aalajangersakkat ilangunneqarsinnaapput 1) katsorsartinnissaq inuunermik sivitsortitsisinnaasoq kissaatigineqanngitsoq, inuunermi naggammik piumasaqartoq allaqquttussaanngitsumik toqujartortillugu, aammalu 2) katsorsartinnissaq inuunermik sivitsortitsisinnaasoq kissaatigineqanngitsoq soorlu nappaat, utoqqarmut sanngiillartorneq, ajunaarneq, uummammik unittoorneq assigaalluunniit ima qajannarsisimatiginermik kinguneqarlutik, inuunermi naggammik kissaateqartoq timimigut tarnimigullu atuutuartussamik imminut isumagisinnajunnaarsimalluni.

Imm. 3. Inuunermik sivitsortitsisinnaasumik katsorsartinneq tassaavoq katsorsartinneq, tamatumani ajorunnaarsinneqarnissaq, peqqinnerulernissaq imaluunniit anniarunnaarnissaq ilimagisassaanatik,

taamaallaalli tassaalluni katsorsartinneq inuunermik sivitsuallaataasinnaasoq.

Imm. 4. Peqqissaanermik suliaqartup napparsimasoq nammineerluni aalajangiisinjaassuseerussimatillugu, allaqquttussaanngitsumik toqujartortumik katsorsaanissap aallartinnissaa pilersaarutiguniuk, imaluunniit pissutsini imm. 2-mi, nr. 2-mi taaneqartuni katsorsaanissap inuunermik sivitsortitsisinnaasup nangeqqinnissaa pilersaarutiguniuk, peqqinnissaqarfimmi sulisup inuunermi naggammik piumasaqaateqartoqarnersoq misissussavaa, Inuunermi kingullermik piumasaqaatinut nalunaarsuisarfik - Livstestamenteregistret - attaveqarfigissavaa, tak. § 18.

Imm. 5. Imm. 2, nr. 1 naapertorlugu inuunermi naggammik piumasaqaateqartup kissaataa peqqissaanermik suliaqartumut allanngortitassaanani atuuppoq, imm. 2-li, nr. 2 malillugu kissaateqarneq peqqissaanermik suliaqartumut najoqqutassiaannaavoq taassumalu suliarinninnissamik isumaliutersuutanut ilanngunneqassalluni.

§ 18. Inuit Kalaallit Nunaanni najugallit Inuunermi naggammik piumasaqaatinut Nalunaarsuisarfik - Livstestamenteregisteret - sundhedsministerip atulersitaa atorsinnaavaat, atugassarititat sundhedsministerimit Naalakkersuisut isumaqtiginiareerlugit aalajangersarneqarnikut tunngavigalugit.

Kapitali 4.

Suliamut tunngasunik allattugaatinik paasitinneqarsinnaatitaaneq

§ 19. Kapitalimi matumani malittarisassat napparsimasut ataasiakkaat pillugit allattugaatinut assigisaannullu peqqissaanermik suliaqartunit suliarineqartartunut aammalu pisortat napparsimmaviini, passussisarfinni, nakorsiartarfinni, namminersortumik nakorsiartarfiutilinni imaluunniit nammineq angerlarsimaffinni katsorsaanermut suliaqarnermut atasuni kiisalu pisortat namminersortullu suliffeqarfiutaanni allani il.il. ingerlanneqartartunut, tamatumani peqqinnissakkut suliamut atatillugu napparsimasunik passussisarfiusunut atuupput.

Imm. 2. Kapitalimi matumani malittarisassat Nalunaarsuutit pisortat pigisaat pillugit inatsimmi pineqartunut imaluunniit ilisimatuussutsikkut kisisitsitigullu nalunaarsuisarnermik taamaallaat siunertaqartumik ingerlanneqartartunut atuuttuunngillat.

Imm. 3. Paassisutissat suut aammalu suliffeqarfiit il.il. imm. 1-imi pineqartut pillugit Naalakkersuisut malittarisassanik erseqqinnerusumik aalajangersaasinnaapput.

§ 20. Napparsimasut ataasiakkaat pillugit allattugaatinut il.il. kinaluunniit peqqissutsini pillugu imminut tunngatillu suliarineqartuni suliamut tunngasunik allattugaatinik paasitinneqarsinnaatitaavoq.

Imm. 2. Toqusumut ilaquaasut qanignerpaasat toqusoq pillugu napparsimasut ataasiakkaat pillugit allattugaatinut tunngasunik suliamut tunngasunik allattugaatinik paasitinneqarsinnaatitaapput, pisinnaatitaaneq toqusup soqtigisaanik tunngaveqarluni ingerlanneqarpat.

Imm. 3. Imm. 1 malillugu pisinnaatitaaneq taamaattoq killilerneqarsinnaavoq, napparsimasup paassisutissanik paassisutissinneqarnissaminik soqtigisai napparsimasumut namminermut imaluunniit inuinnaat allat soqtigisaannut allaassuteqarsorinarpata.

§ 21. Suliamut tunngasunik allattugaatinik paasitinneqarsinnaatitaaneq pisortatut oqartussaasumit, suliffeqarfimmit imaluunniit peqqissaanermik suliaqartumit napparsimasut ataasiakkaat pillugit

allattugaatinik il.il. tigummisaqartumit aalajangerneqartassaaq.

Imm. 2. Oqartussaasup pineqartup, suliffeqarfipim ilaluunniit peqqinnissaqarfimmi sulusup suliamut tunngsunik allattugaatinik paasitinneqarsinnaatitaanermik qinnuteqarnermut akuersissuteqartoqassanersoq aammalu napparsimasut ataasiakkaat pillugit allattugaatinik il.il. najukkami misissuataarisinnaaneq ilaluunniit taakkua assilillugit allannerinik assilinerinilluunniit tunniussisoqassanersoq erniinnarluinnaq aalajangissavaa.

Imm. 3. Suliamut tunngasunik allattugaatinik paasitinneqarnissamik qinnuteqarneq oqartussaasumit pineqartumit, suliffeqarfimmit ilaluunniit peqqissaanermik suliaqartumit tiguneqarnerminit ullut qulit qaangiunneranni akuerineqanngippat itigartinneqarluniluunniit, oqartussaasup, suliffeqarfipim ilaluunniit peqqissaanermik suliaqartup napparsimasoq tamatumunnga pssutaasumik aamma aalajangiinissap qaqugu pinissaanik naatsorsuutiginnittooqarnersoq pillugu ilisimatissavaa.

Imm. 4. Peqqissaanermik suliaqartoq imm. 1-imuit 3-mut aalajangersakkat malillugit pisinnaatitaaffilerneqarpat, pingarnerutillugu akisussaaneq ingerlatsisutut pisortatut oqartusaasuniippoq, peqqussut naapertorlugu paasissutissineqarnissap nalunaarutigineqarnissaanut.

§ 22. Suliamut tunngsunik allattugaatinik paasinianermut atasumik sullissinermut akiliummik pappiaranik assiliinermut nassitsinermullu il.il. aningaasartuutinut matusissutissat pillugit Naalakersuisut malittarisassanik aalajangersasinnappa.

Kapitali 5.

Nipangiussisussaatitaaneq peqqissutsimullu il.il. paasissutissanik ingerlatitseqqittarneq

Peqqinnissaqarfimmi sulusut nipangiussisimanissaanniknapparsimasup piumasaqaateqarsinnaanera

§ 23. Napparsimasoq peqqissaanermik suliaqartut inuussutissarsiumminnik ingerlatsinerminni peqqissutsimut tunngasunik, inummut tunngalluinnartunik aammalu paasissutissanik allanut isertuussassaannik tusarsimasaminnik ilimatsaassaminnilluunniit nipangiussisimanissaannik piumasaqaateqarsinnaavoq, taamaattorli kapitalimi matumani malittarisassat takukkit.

Imm. 2. Peqqissaanermik suliaqartoq kapitalimi matumani aalajangersakkat ataasiakkaat malillugit pisinnaatitaappat, pingarnerutillugu akisussaaneq ingerlatsisutut pisortatut oqartusaasuniippoq peqqussut naapertorlugu paasissutissat ingerlateqqinnejarnissaanut.

Imm. 3. Peqqinnissaanermik suliaqartut pisortani ssullissiuugunik suliaqartuugunilluunniit imm. 1-imi taaneqartut isertuutissallugit pisussaatitaapput.

Napparsimasut katsorsartinnerannut atatillugu peqqissutsimullu il.il. paasissutissanik ingerlatitseqqittarneq

§ 24. Napparsimasoq akuersitereerlugu peqqissaanermik suliaqartut peqqissaanermik suliaqartunut allanut napparsimasup peqqissusianut tunngasunik, inuttut inuuneranut tunngassuteqavissunik kiisalu napparsimasup katsorsartinneranut atasumik paasissutissanik allanut isertuussassanik ingerlatitseqqissinnaapput.

Imm. 2. Imm. 1-imi paasissutissanik ingerlatitseqqissinnaaneq napparsimasoq isumaqataalluni

akuersiteeqqaarnagu pisinnaavoq

1) napparsimasup katsorsarneqarnerata ingerlanera mianeralugu pisariaqarpat aamma
ingerlatitseqqinnissaq napparsimasup soqtigisai pisariaqartitaalu mianeralugit pissappat imaluunniit
2) ingerlatitseqqinnissaq kikkut tamarmik soqtigisaasa isumagineqarnissaat erseqqissumik
pissuteqarpat imaluunniit napparsimasup, peqqissaanermik suliaqartup allanulluunniit annertuumik
mianerisariaqarneranik.

Imm. 3. Imm. 2-mi, nr. 1 malillugu ingerlatitseqqinnissami napparsimasup sukkulluunniit piffissap
suliaritffiusup nalaani paasissutissanik ingerlatitseqqinnginnissamik kissaateqarsinnaavoq.

Imm. 4. Peqqissaanermik suliaqartup, paasissutissanik allanut isertuussassanik pigisaqartup
aalajangissavaa imm. 2 malillugu ingerlatitseqqinnissaq pissutissaqarnersoq.

Imm. 5. Imm. 2, nr. 2 malillugu paasissutissanik ingerlatitseqqittoqarpat, paasissutissani pineqartoq
sapinngisamik piaernerpaamik ilisimatinneqassaaq ingerlatsitseqqinneq aamma suna siunertaanersoq
pillugu.

Imm. 6. Naalakkersuisut aalajangersagaq manna malillugu peqqissutsimut tunngasunik paasissutissat
ingerlateqqinnejartarnerannut il.il. malittarisassat erseqqinnerusut aalajangersarsinnaavaat.

§ 25. § 24-mi, imm. 1 malillugu isumaqataalluni akuersineq oqaasiinnartiguussaaq
allakkatigoorluniluunniit. Isumaqataalluni akuersineq peqqissaanermik suliaqartumut paasissutissanik
ingerlatitseqqittussamut imaluunniit peqqissaanermik suliaqartumut allamut paasissutissanik
tigusicussamut tunniunneqarsinnaavoq. Isumaqataalluni akuersineq napparsimasut ataasiakkaat pillugit
allatugaasiviannut allanneqassaaq.

Imm. 2. Naalakkersuisut imm. 1-imi akuersineq taaneqartoq pillugu malittarisassat erseqqinnerusut
aalajangersarsinnaavaat.

Allanik siunertaqartumik peqqissutsimut il.il. paasissutissanik ingerlatitseqqittarneq

§ 26. Napparsimasoq isumaqataalluni akuersitereerlugu peqqinnissaqarfimmi sulisut katsorsartinnerup
saniatigut allanik siunertaqartumik napparsimasup peqqissusianut tunngasunik, inummut
tunngalluinnartunik kiisalu oqartussaasunut, suliniaqatigiiffinnut, inuinnarnut il.il. paasissutissanik
allanut isertuussassaannik ingerlatitseqqissinnaapput.

Imm. 2. Imm. 1-imi paasissutissanik ingerlatitseqqittarneq taaneqartoq napparsimasoq isumaqataalluni
akuersiteeqqaarnagu pisinnaavoq

1) inatsit naapertorlugit paasissutissiinissaq ingerlateqqinnejassappat aammalu paasissutissiineq
oqartussaasutut tigusicussap suliamik ingerlatsineranut annertuumik pingaarutilittut
isumaqarfigineqarpat,

2) ingerlatitseqqinnissaq kikkut tamarmik soqtigisaasa isumagineqarnissaat erseqqissumik
pissuteqarpat imaluunniit napparsimasup, peqqissaanermik suliaqartup allanulluunniit annertuumik
mianerisariaqarneranik,

3) ingerlatitseqqinnissaq pisortatut oqartussaasup misissuineranut nakkutilliineranullu
pisariaqartuuppat.

Imm. 3. Peqqissaanermik suliaqartup paasissutissamik allanut isertuussassamik pigisaqartup
aalajangissavaa imm. 2 malillugu ingerlatitseqqinnissaq pissutissaqarluarnersoq.

Imm. 4. Imm. 2, nr. 2 malillugu paasissutissanik ingerlatitseqqittoqarpat, paasissutissani pineqartoq sapinngisamik piaernerpaamik ilisimatinneqassaaq ingerlatsitseqqinneq aamma suna siunertaanersoq pillugit.

§ 27. § 26-mi, imm. 1-im isumaqtalluni akuersineq allakkatigut pissaaq. Allakkatigulli pinissaanik piumasaqarneq saneqqunneqarsinnaavoq, suliassaq qanoq pissuseqarnera atukkallu tamatumunnga illersuutaasinnaappata. Isumaqtalluni akuersineq napparsimasup napparsimasut ataasiakkaat pillugit allattugaatinut allanneqassaaq.

Imm. 2. Imm. 1-im ikuersineq tunniunneqarnermininngaanniit kingusinnerpaamik ukioq ataaseq qaangiuppat atorunnaassaaq.

Imm. 3. Naalakkersuisut imm. 1-im isumaqtalluni akuersineq taaneqartoq pillugu erseqqinnerusunik malittarisassiorsinnaapput.

*Napparsimasut toqoreersut pillugit qanignerusanut peqqissutsimut paasissutissanik
ingerlatitseqqittarneq*

§ 28. Peqqissaanermik suliaqartoq napparsimasup toqoreersup nappaataata piartuaarneranik, toqunerminut pissutaanik qenorlu toquneranik paasissutissanik qanignerusaanut ingerlatitseqqissinnaavoq, tamanna napparsimasup kissaatigisaanut akerliunngitsutut isumaqarfingeqarpat aammalu toqusup inuttut nammineq soqutigisai tamatumunnga aalajangiisuunngippata. Toqusuttaaq qanignerpaasaanut paasissutissanik ingerlatitseqqittoqarsinnaavoq § 26-mi, imm. 2 nr. 2 malillugu.

Imm. 2. Nakorsaq toqusumik katsorsaasuusoq napparsimmavimmiit imaluunniit peqqissaanermik suliaqartumiit paasissutissat imm. 1-im oqaaseqatigiinni siullerniittut assinginik pissarsisinnaavoq, toqusup qanignerpaasaasa paasissutissanik pissarsiumallutik nakorsamut pineqartumut kissaateqarpata.

*Immikkut siunertaqartumik (ilisimatusarnermut, kisitsisitigut paasissutissiornermut il.il.)
peqqissutsimut paasissutissanik ingerlatitseqqittarneq*

§ 29. Inuit ataasiakkaat peqqissusiannik, inummut namminerpiaq tunngasunik aamma paasissutissanik allanik isertuussassanik napparsimasut ataasiakkaat pillugit allattugaatiniiittunik il.il. paasissutissanik ilisimatusartumut, aalajangersimavissumik timip nakorsaatissiorneqartarneranut ilisimatusaatitut atugassanngorlugit ingerlateqqinnejqarsinnaapput, suliassaq Kommissionen for Videnskabelige Undersøgelser i Grønland, ingerlatitseqqinnissamut piumasaqatnik aalajangersaasinnaasumut akuerisassanngorlugu nalunaarutigineqarsimappat.

Imm. 2. Tamatuma kingornatigut tamaallaat inunnut ataasiakkaanut saaffiginnittoqassaaq, peqqissaanermik suliaqartut pineqartumik suliarinnittut tamatumunnga akuersippata.

§ 30. § 29-mi paasissutissat eqqartorneqartut kisitsisitigut paasissutissiornermut pilersaarusiornermulluunniit atugassat Peqqinnissaqarfimmik Nakkutiliisoqarfik akuersiteeqqaarlugu ingerlateqqinnejqarsinnaapput tassani paasissutissat atorneqarnissaannut il.il. atugassaritit

aalajangersarneqassallutik, taamaattorli imm. 2 takuu.

Imm. 2. Paasissutissanik imm. 1-imi eqqartorneqartunik ingerlatitseqqittoqarsinnaavoq Peqqinnissaqarfimmik Nakkutilliisoqarfik akuersissuteqaqqaartinnagu, tamatumani paasissutissat inatsisit, Inatsisartut inatsisaat Inatsisartulluunnit peqqussutaat naapertorlugit ingerlateqqinnejartussaagaangata.

§ 31. Paasissutissat §§ 29-mi 30-milu ilisimatusarnermut, kisitsisitigut paasissutissiornermut pilersaarisornermulluunniit atugassanngorlugit pissarsiarineqarsimasut kingusinnerusukkut kisitsisik paasissutissiornermik ilisimatuussutsikkulluunniit sulianik siunertalimmik suliarineqassanngillat.

Imm. 2. Imm. 1-imi paasissutissat tamanut saqqummiunneqarnissaat aatsaat pisinnaavoq paasissutissat inunnut ataasiakkaanut tunngatinneqassanngippata.

Oqartussaasunut Kalaallit Nunaata avataaniittunut ingerlatitseqqittarneq

§ 32. Naalakkersuisut kapitali manna malillugu paasissutissanik ingerlatitseqqittarneq pillugu oqartussaasunut Kalaallit Nunaata avataaniittunut malittarisassat erseqqinnerusut aalajangersarsinnaavaat.

Kapitali 6.

Naammagittaalliorssinnaatitaaneq iliuusissallu

§ 33. Peqqussumi matumani pineqartunut naammagittaalliuutit Peqqinnissaqarfip Napparsimasut Sullinneqarneranni Naammagittaalliuuteqartarfianut ingerlatinneqarsinnaapput peqqinnissaqarfip qitiusumik aqutsisoqarfia pillugu inatsimmi tamatumunnga malittarisassat malillugit, naammagittaalliuuteqarnissaq pillugu inatsisitigut immikkut peqqussutigineqarsimanngippat. Peqqinnissaqarfip Napparsimasut Sullinneqarneranni Naammagittaalliuuteqartarfiata aalajangigai allaffissornikkut ingerlatsinermi oqartussaasunut allanut suliassanngortinneqarsinnaanngillat.

§ 34. Kinaluunniit kap. 5 malillugu eqqunngitsumik paasissutissanik allanut isertuussassanik ingerlatitseqqittoq atornerluisorluunniit akiliisussanngorlugu pineqaatissinneqarsinnaavoq, pinerluttulerinermi inatsimmi aalajangersakkat naapertorlugit sakkortunerusumik pineqaatissinneqassanngippat.

Kapitali 7.

Atuutilersitsinissamik aalajangersagaq

§ 35. Inatsisartut peqqussutaat atuutilerpoq ulloq 1. august 2001.

Imm. 2. Kapitali 4 napparsimasut ataasiakkaat pillugit allattugaatinut il. il. ullup 1. januar 1995-ip kingornatigut pilersinneqartunut kiisalu napparsimasut ataasiakkaat pillugit allattugaatinut ullup taassuma kingornatigut tapiliussatut ilanngunneqartunut atuuppoq.

Imm. 3. Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni nr. 9-mi ulloq 13. juni 1994-imeersumi § 9 atorunnaarpoq.

Namminersornerullutik Oqartussat, ulloq 31. maj 2001.

Jonathan Motzfeldt

/

Alfred Jakobsen